



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Otto Comes Capenbergensis, Ecclesiae Praemonstratensis in Varlar
Praepositus Primus & in Capenberg tertius

urn:nbn:de:hbz:466:1-28481

solum & toti Clero ; sed populo etiam frequentissimo ad cibum & saturitatem satis esset. Visitur adhuc hodie ibidem post summum altare ad parietem statua B. Virginis eadem (ut opinor) quæ olim tot prodigiis patratrix fuit : ad cuius latera depicti sunt Beati Fratres subjectis hisce verbis : *Menricus & Bertholdus Canonici , Fundatores hujus loci*. Ex ore autem utriusque provolant hinc inde inscripta schedis verba : *ô Maria in tremenda judicii hora sim commissus tibi totus & ô Maria succurre miseris in hoc loco constitutis.*

B. OTTO

Comes Capenbergensis, &

eiusdem Ecclesiæ Præmonstraten-
sis Præpositus tertius.

*Refertur cum titulo Beati à Bollandò in actis ad diem 23tiam Februar. in ordine prætermis-
sum, unà cum brevi elogio. Item à Gelenio in
stis sacris Agrippin. & Chrysost. van der Sterren
Natalibus Ss. Ordinis Præmonstrat. ad eandem
diem. Ioanne le Paige in Bibliotheca Præmonstra-
tensi l. 2. pag. 513. Schaten to. 1. Annal. Paderb.
& aliis. Obiit anno Christi 1172 uti refertur in
Catalogo Prælatorum Capenbergensium, & qui-*

dem die 23 Februarii, uti habet Chrysost. van der Sterre loco citato. In alio tamen indiculo D. Bernardi à Mallinckrott dicitur obiisse anno 1171. 6. Calendas Februarii, hoc est die 27 Ianuarii. Vide Bolland. loc. cit. & in vita B. Godefridi pag. 843.

B Godefrido ad amplexum Ordinis Præmonstratensis abituro non parùm obstaculi posuit Otto frater, ut ætate minor, sic fervore juvenili & rerum sæcularium appetitu magis tumidus. Nihil huic ardentius in curis erat, quàm fratrem ab inceptis amovere, familiæ propagationem quærere, ab aditu Capenbergensis castri religiosos depellere, conatus omnes S. Norberti contrariis contrariis intervertere. Sed frustra cuduntur consilia, cùm aliud voluerit Dominus, in cuius manu sunt corda omnium velut lutum in manu figuli. Non multò post animum diu reluctantem interiori telo ità percussit divinus amor, ut spretis calcatisq; omnibus, quæ mundus jactat, statuerit deinceps Jesum sequi, & in candido illo Præmonstratensium cœtu incommoda vitæ pauperis humanis opibus præhabere. Ex eo tempore virtutum omnium, quæ in fratre elucebant, non inspector solùm, sed etiam imitator fuit. Obedientiã cum eo præclarissimè exercuit, quan-

do ad S. Norberti iussa è patria ditione Præmonstratum abiit, ut ibi inter vitæ secretioris otia spiritualibus exercitiis mentem excoleret. Bonum religiosi status ac virginitatis perpetuæ, à quibus initio multum abhorrebat, tanto postmodum in pretio & amore habuit, ut aliis quoque ad eadem amplectenda auctor suusq; fuerit. Aureliam Manegoldi viri nobilissimi filiam ac hæredem unicam rejectâ procorum multitudine, Deo adduxit, castro illius Wirbergensi in cœnobium Virginum commutato. Peculiari affectu teneritudine adhærebat cultui Beatissimæ Virginis & S. Joannis Evangelistæ, cujus insignes reliquias, ut Ecclesiæ Capenbergensi præsidio essent, à Friderico Sueviæ Duce sibi traditas Capenbergam transtulit, monens illas huic congregationi eâ fide conservandas dare, quâ Christus in cruce pendens discipulo suo Joanni MARIAM matrem commendavit. Wesaliæ extra muros monasterium virginum (cui olim Averdorp, vulgò das he Cloister nomen erat) ex bonis avitis condidit, quanquam illud postea per injurias belli penitus eversum sit, virginésq; intra oppidum se receperint jam Canonice sæculares Collegio Varlariensi ejusdem Ordinis, quod à B.

à B. Godefrido felicibus auspiciis cœptum erat, manum extremam addidit; fuitq; prim^o, qui ibidem cum titulo & auctoritate Præpositi religiosis cæteris præfideret. Inde Capenbergam revocatus, post S. Norbertum & ejus Successorem Magistrum Ottonem primum, tertius ipse ejusdem Ecclesiæ præposituram summâ sanctitate administravit, tandemq; circiter post 18 regiminis sui annos beatissimo fine vitam clausit anno 1172 die 23 Februarii. Sacra illius ossa in choro superiore templi Capenbergensis ad exuvias B. Godefridi apposita sunt, ubi in hodiernum diem habentur in veneratione.

B. PETRUS

Ex Ordine Canonorum

Regularium S. Augustini Præpositus
in Arolsen.

Refertur cum titulo Beati à Wernero Rolewinck l. 3. de moribus Westphal. c. 8. & in Martyrolog. Germanico Petri Canisii ad diem 19 Decembris. Vita ejus desumpta est ex Magno Speculo Exemplor. distinct. 3. exemp. 49. & ex Speculo P. Ioannis Major, tit. inobedientia, exemp. 3. ubi vetustus author ita de illo loquitur: In provincia,

R 3

vincia,